



Inatsisartunut ilaasortaq,  
Peter Olsen, Inuit Ataqtigiit  
Maani/

Ulloq: 05-06-2020  
Suliap normua: 2020 - 9334  
All. nr. 13900211

Postboks 269  
3900 Nuuk  
Oqarasuaat (+299) 34 50 00  
Fax (+299) 34 63 55  
E-mail: apn@nanoq.gl  
www.naalakkersuisut.gl

### § 37 naapertorlugu apeqqutigineqartup nr. 082-2020-p akineqarnera

Inatsisartut suleriaasianni § 37, imm. 1 naapertorlugu Uummannami nunami suliffissuarmi innaallagissamik pilersuinermit tunngatillugu Naalakkersuisunut apeqquteqarsimavutit. Apeqqutit suliassaqarfigisannit akineqartussanngorlugit innersuunneqarput.

1. Uummannami fabrikit pingasunngortinneqarnissaannik Naalakkersuisuni aalajangersimaneq qanoq sumillu tunngavilersorneqarpa?

1-imut) Naalakkersuisut ingerlatseqatigiiffiit namminersortut niuerfiit aningaasarsiorfiusut malillugit aningaasaliisarnissaannut periarfissinniarlugit Sigguk A/S-ip nunami suliffissualiornissaa akueriniarlugu aalajangersimapput.

2. Uummannami fabrikit pingasunngortinneqarnissaannik aalajangilernermi Nukissiorfiit innaallagissiteqarnikkut atortulersuutaasa piginnaasaasa naammannerat qulakkeeqqaarneqarsimava?

2-mut) Naalakkersuisoqarfiup nunami suliffissuup sananeqarnissaa pillugu qinnuteqaammik suliaqarnermini Uummannami innaallagissamik imermillu tunisisarnissamut qanoq annertutigisumik periarfissaqartiginera pillugu Nukissiorfinnut naalakkersuisoqarfik paasiniaasimavoq. Nukissiorfiit tusarniaanermut akissuteqarnerminni nalilerpaat Uummannap illoqarfiani nunami suliffissuarnut pingasuusunut tamanut pilersuinissamut naammattunik pissaqartoq.

Nukissiorfiit nalunaarutigivaat Uummannami innaallagissamik imermillu pilersuinerup killissani tikileraa. Tatsimi imeq annikillartortoq nalunaarsorneqarsimavoq. Innaallagissap aqquataasa iluarsiiffinissaat aamma imermik pilersuinissap qulakkeernissaanut tunngatillugu pissutsit pillugit Sigguk A/S-imik isumaqatigiissuteqareersimanissaq anguneqarsimappat suliffissuup nutaap allap innaallagissamik imermillu pilersornissaa pillugu Sigguk A/S-ip qinnuteqaataa Nukissiorfiit akuerisinnaavaat. Sigguk A/S-imit nammineerlutik sarfaliuutissamik piareersimasussamik sanasussaallutik erseqqissarpaat, pisariaqalissappallu imaanik tarajuaammik innaallagissamik imermillu pilersuinissaq qulakkeerniarlugu sanariaannaallutik.

3. Uummannami fabrikkit pingasunngortinneqarnissaanik aalajangilernermi Nukissiorfiit Uummannami imermik naammattumik pilersuisinnaanerat naammannersoq qulakkeeqqaarneqarsimava?

3-mut) Takuuk 2)

4. 2020-ip ingerlanerani Uummannap eqqaani umiarsuarmik tunitsivimmik akuersisoqarsimava?
  - a. Ukiup qanoq ilinerani umiarsuarmik tunitsivimmik akuersisoqarsimava?
  - b. Qanoq sivitutigisumik umiarsuarmik tunitsivimmik atuisoqarnissaa akuersissutigineqarsimava?
  - c. Umiarsuaq tunitsivik sumerpiaq inissisimassasoq aalajangiunneqarsimava?

4-mut)

- a) Naalakkersuisut Uummannami angallammik tunitsiviusussamik atuisoqalernissaanik ulloq manna tikillugu sulii akuersissuteqarsimanngillat.
  - b) Akuersissutit ukiut ataasiakkaarlugit atuutsinneqartarput
  - c) Umiarsuit tunitsiviit nalinginnaasumik inissinneqartarput nunami tunissassiorfimmik sanaartorfimmi imaluunniit tunitsiviit pioreersut oqilisaaffiginiarlugit. Suliamiit suliamut nalilersuisoqartarpoq inissinneqarfissaa sumiissuserfilerlugu killilerneqartarluni.
5. Uummannami aalisakkanik fabrikkit qassiusutut isigineqarpat?

5-imut) Uummannap aqutsiveqarfiani massakut nunami suliffissuit arfinillit ingerlanneqarput. Taakkunanga marluk Uummannap illoqarfianiipput.

6. Uummannami aalisakkanik fabrikini sulisut qassiuppat?

6-imut) Uummannap aqutsiveqarfiani nunani suliffissuarni 170-it sulisorineqarput (ukiumut suliffiusussat). Uummannap illoqarfittaani nunami suliffissuarni ukiumut suliffiusussat 112-it angullugit suliffeqartitsisoqarpoq. Ukiumut suliffiusussat agguataarnerat tullinnguuttuni takutinneqarput (2019-imi kisitsisaasut):

Royal Greenland A/S

Uummannaq: 80

Qaarsut: 6

Ukkusissat: 14


Saattut: 19

Ikerasak: 19

Avannaa Seafood ApS

Uummannaq: 32

Inussiarnersumik inuulluaqqusillunga

A handwritten signature in blue ink, appearing to read 'Jens Immanuel', with a large, decorative flourish at the end.

**Jens Immanuel**

Aalisarnermut, Piniarnermut Nunalerinermullu Naalakkersuisoq